



არასამეწარმეო (არაკომერციული) იურიდიული პირი

კოლეჯი „განთიალი“

ბ რ ძ ა ნ ე ბ ა N 54

09 ივლისი 2019 წელი

ა(ა)იპ პროფესიული კოლეჯი განთიადის დირექტორის 2017 წლის 16 მარტის N 10 ბრძანების „ პირველადი დახმარების აღმოჩენის წესის დამტკიცების შესახებ“ ძალადაკარგულად გამოცხადების და ა(ა)იპ კოლეჯი „განთიადის“ პირველადი დახმარების აღმოჩენის წესის დამტკიცების შესახებ

„პროფესიული განათლების შესახებ“ საქართველოს კანონის 23-ე მუხლის, საქართველოს ზოგადი ადმინისტრაციული კოდექსის 61-ე მუხლის, არასამეწარმეო (არაკომერციული) იურიდიული პირი კოლეჯი „განთიადის“ წესდების მე-5 მუხლის „ა“ და „თ“ ქვეპუნქტების საფუძველზე

ვ ბ რ ძ ა ნ ე ბ ა:

1. ძალადაკარგულად გამოცხადდეს ა(ა)იპ პროფესიული კოლეჯი „განთიადის“ დირექტორის 2017 წლის 16 მარტის N 10 ბრძანება „ პირველადი დახმარების აღმოჩენის წესის დამტკიცების შესახებ“;
2. დამტკიცდეს ა(ა)იპ კოლეჯი „განთიადის“ პირველადი დახმარების აღმოჩენის წესი დანართი N 1 –ს შესაბამისად;
3. დაევალოს ა(ა)იპ კოლეჯი „განთიადის“ საქმის მწარმოებელს მარინე ამბრიაშვილს წინამდებარე ბრძანებით დამტკიცებული პირველადი დახმარების აღმოჩენის წესის განთავსება ყველასათვის თვალსაჩინო ადგილას;
4. ბრძანება ძალაში შევიდეს გამოქვეყნებისთანავე;
5. წინამდებარე ბრძანება შეიძლება გასაჩივრდეს მისი ოფიციალური წესით გაცნობის შემდეგ კანონმდებლობით დადგენილი წესის შესაბამისად გორის რაიონულ სასამართლოში (ქ. გორი სერგო ჯორბენაძის ქ. #30).

დირექტორი



ანა დათუაშვილი



დანართი N1

დამტკიცებულია კოლეჯის დირექტორის

2019 წლის 02 ივლისის N 54 ბრძანებით

ა(ა)იპ კოლეჯ „განთიადში“ პირველადი დახმარების აღმოჩენის წესი

1. ა(ა)იპ კოლეჯ „განთიადში“ (შემდგომში - „კოლეჯი“) პროფესიულ სტუდენტთა და დასაქმებული ადამიანური რესურსისათვის პირველადი სამედიცინო დახმარების აღმოჩენის მიზნით იქმნება პირველადი სამედიცინო დახმარების აღმოჩენის კაბინეტი, სადაც შესაძლებელია პროფესიული სტუდენტებისა და კოლეჯში დასაქმებულთათვის პირველადი სამედიცინო დახმარების აღმოჩენა. პირველადი სამედიცინო დახმარების აღმოჩენის კაბინეტის მატერიალურ ფასეულობებზე პასუხისმგებელია მედდა.

2. პირველადი სამედიცინო დახმარების აღმოჩენის კაბინეტში განთავსებულია პირველადი დახმარებისათვის საჭირო მედიკამენტები, მოწყობილია მედდის მიერ ავადმყოფის მიღების საშუალებები, კაბინეტი უზრუნველყოფილია კომუნიკაციებით (ტელეფონი).

3. კოლეჯი ვალდებულია მედდის წერილობითი მოთხოვნის საფუძველზე, უზრუნველყოს პირველადი სამედიცინო დახმარების აღმოჩენის კაბინეტის პირველადი დახმარებისთვის საჭირო მედიკამენტებითა და პირადი ჰიგიენის ნივთებით პერიოდულად მომარაგება.

4. კოლეჯი და თავად მედდა იღებენ ვალდებულებას მედიკამენტების ვარგისიანობაზე; ამისათვის მუდმივად მიმდინარეობს არსებული და შესაძენი მედიკამენტების ვადის გადამოწმება და მხოლოდ გადამოწმების შემდეგ, მათი გამოყენება.

5. მედდა ავადმყოფის პირველადი გასინჯვის საფუძველზე უფლებამოსილია:
- ა) თავად აღმოუჩინოს პირველადი სამედიცინო დახმარება;
 - ბ) გამოიძახოს გადაუდებელი სამედიცინო დახმარება (112) და ფაქტის შესახებ მოახდინოს პროფესიული სტუდენტის ოჯახის წევრის ინფორმირება;
 - გ) ამ პუნქტის „ა“ ქვეპუნქტით განსაზღვრულ შემთხვევაში, საჭიროებისას, გაათავისუფლოს სტუდენტი მეცადინეობებიდან.

6. თუ პროფესიული სტუდენტი ან კოლეჯის თანამშრომელი ვერ ახერხებს პირველადი სამედიცინო დახმარების აღმოჩენის კაბინეტში დამოუკიდებლად მისვლას, ამის შესახებ დაუყოვნებლივ უნდა ეცნობოს მედდას, საჭიროების შემთხვევაში დარაჯი ვალდებულია მიიყვანონ ეს პიროვნება სამედიცინო დახმარების აღმოჩენის კაბინეტთან.

7. თუ პროფესიული სტუდენტის ან თანამშრომლის ჯანმრთელობის მდგომარეობის სირთულიდან გამომდინარე ეჭვქვეშ დგება მისი გადაადგილების უსაფრთხოება, დაუყოვნებლივ უნდა ეცნობოს მედდას, რომელიც ვალდებულია ადგილზე გაუწიოს პირველადი სამედიცინო დახმარება შეუძლოთ მყოფ პირს;

8. მედდა ვალდებულია აწარმოოს სპეციალური საგანმანათლებლო საჭიროების მქონე პროფესიული სტუდენტების რეგისტრაცია, შეისწავლოს მათი სამედიცინო ისტორია,

უზრუნველყოს მათთვის პირველადი სამედიცინო დამხარების აღმოჩენისათვის საჭირო მედიკამენტების შესყიდვა, პროფესიული სტუდენტის ოჯახის წევრების საკონტაქტო ინფორმაციის განახლება, პერიოდულად გააკონტროლოს სწავლის პროცესში ამ კატეგორიის პროფესიული სტუდენტების ადაპტირების პრობლემა;

9. მედდა უფლებამოსილია განახორციელოს მონიტორინგი კოლეჯის სველი წერტილების ჰიგიენურ მდგომარეობაზე, აგრეთვე კოლეჯის შენობისა და ეზოს დასუფთავებაზე, შეიმუშაოს წინადადებები და წარუდგინოს დირექტორს.